

Фестивальд белдлгън

1957-ч джилин июль сарин 23-с авн августин 11-н кўртл цуг нарт делкән багъчудин болн студентрин фестиваль болхмн.

Хальмг танъгъчин багъчуд дунд, эн болх фестивальд ик делгў белдвр кегддж йовна.

Мана танъгъчас 100-гар багъчуд фестивальд орлцх зөвтә. Тедн дунд, кōдлмштән шумгъа, эврәннь производственн ўзмджән оōдлўлдж йовх багъчуд илгәгдхмн. Дакад болхла, би-дуугъин эрдм ўзўлдг коллективс, бийснь неджәдәр биилдг, дуулдг багъчуд, зург зурачнр болн нань чигн олн зўсн эрдмтә багъчуд одцхах зөвтә.

Май сарин 18-19 одрмўдт Элст балгъснд танъгъчин багъчудин фестиваль болхмн. Элст балгъсна культурин Гер танъгъчин фестивальд белдлгъ бас кеджәнә. Ода деерән 65 кўўнәс тогтсн хальмг орс хо-йрар дуулх дуд белдгдджәнә.

Дөрвәдәр, нәәмәдәр биилдг би-ишкмндг, чичрдг хальмг би бас белдгдджәнә. „Бумбин орн“, „Комсомольск марш“, „Кеемә“ болн нань чигн олн зўсн хуучна чигн дакад шинәс гарсн кесг хальмг ду эн коллектив дасджана. Хальмг бичәчнрин шинәс гаргъсн кесг шўлгўд хальмг келәр умшгдхмн.

Болв, фестивальд белдлгън мана танъгъчар ода бийнь сулар кегдджәнә. Эн кōдлмшин то диг авч, гардджах танъгъчин комсомольск организацин оргбюро болн танъгъчин культурин управлень оньган оғч, чанъгъадж цааранднь эс оōдлўлхлә, ашнь му болдж тусх бәәдлтә. Танъгъчин багъчудин фестиваль болх цагнь хол биш, кех кōдлмш ода бийнь олн, тер учр деерәс, эн кōдлмшиг толгъалдж кеджәх организацсас белдлгънә кōдлмшән чанъгъахнь некгдджәнә.

А. СЕМЕНОВА